

說
文
新
附
考

說文新附攷卷第五

吳縣鈕樹玉

慵通作庸

玉篇慵是容切慵嬾也 按釋詁愉與庸竝訓勞
郭注勞苦者多情愉又方言庸謂之恹轉語也郭
注恹猶保恹也今隴右人名嬾爲恹据此知古通
作庸

悱疑誹之別體

玉篇悱孚匪切口悱悱 按論語述而篇子曰不
憤不啟不悱不發何晏集解引鄭曰孔子與人言
必待其人心憤憤口悱悱乃後啟發爲說之則悱

義似不當从心据墨子經說下篇云論誹誹之不可
以理之可誹雖多誹其誹是也云云語意與
口誹悻合故疑爲悻之別體

忸疑古作尼

方言忸忸慙慙也楚郢江湘之間謂之忸忸博雅
忸訓慙玉篇忸女飢切忸忸慙也 按晉語君忸
忸韋注忸忸慙貌孟子象曰鬱陶思君爾忸忸趙
注忸忸而慙然忸忸二字說文並無据類篇集韻
知忸卽慙字疑忸古作尼者以方言訓忸忸爲慙
慙則忸訓慙而忸訓慙矣慙有止義釋詁尼訓止

是尼義與昵合

憇通作帖亦作苦憇通作滯

玉篇憇尺霑切憇憇也憇爲念之重文注云又尺制切帖憇音不和也 按樂記五者不亂則無帖憇之音矣鄭注帖憇敝敗不和貌据廣韻去聲十三祭憇注云憇憇音不和也憇引樂記作帖則帖乃帖之譌字又按史記樂書作苦滯蓋帖苦竝从占聲得通假也

懇通作猥

博雅懇懇誠也玉篇懇口很切悲也誠也信也

按漢書劉向傳猥猥數奸死亡之誅師古曰猥猥

欲

欲當是款

誠之意也猥音懇

忖通作寸

玉篇忖倉本切思也

按詩巧言予忖度之釋文

云忖本又作寸

惛通作惛亦作超

玉篇惛敕嬌切悵悵也

莊子天地篇釋文引字林惛悵也

又尺昭

切

按說文惛訓失意楚辭九辯云惛悵兮而私

自憐知古通作惛又莊子徐無鬼篇武侯超然不對釋文引司馬云超然猶悵然也後魏兖州賈使

君碑中有超悵字是亦作超

慟通作動又作慟

玉篇慟徒貢切哀也引論語曰顏淵死子哭之慟

按論語釋文慟引馬云哀過也鄭云變動容貌

据鄭訓當本是動周禮大祝辨九擇四曰振動杜

子春動讀爲哀動

据葉鈔本

是古通作動也隸釋載景

君銘驚慟傷哀武榮碑慟哀悲慟李翊夫人碑慟

切剥兮率不榮是又作慟漢碑亦有慟

惹通作譖又疑諾之別體

方言囁咅譖護挈也挈揚州會稽之語也或謂之

說文諸孛羞窮也
惹或謂之諛博雅惹孛也 按說文諸孛羞窮也
正與惹合知諱卽惹矣玉篇廣韻惹竝訓亂据五
經文字言部諾諄竝訓亂故又疑惹爲諾之別體
怡疑洽之俗字

玉篇無怡廣韻入聲三十一洽怡訓用心苦洽切
集韻作怠乞洽切合也引太元經瘞而怠之宋惟
幹讀 按詩正月洽比其鄰毛傳洽訓台與集韻
怠義同故疑爲洽之俗字

悌通作弟

博雅釋親弟悌也玉篇悌徒計切孝悌又徒禮切

愷悌也廣韻土聲十一霽悌愷悌引詩作豈弟毛
萇云豈樂也弟易也徐氏曰經典通用弟 按悌
蓋涉愷後人并加心漢碑已有悌

懌通作釋亦作釋

方言悌懌改也自山而東或曰悌或曰懌郭注引
論語曰悅而不懌一切經音義卷七引字林懌怡
也玉篇懌羊石切悅也服也改也徐氏曰經典通
用釋 按書顧命王不懌釋文云馬本作不釋詩
靜女說懌女美鄭箋說懌當作說釋此作釋之證
也詩類弁庶幾說懌釋文懌本又作釋板辭之懌

矣釋文作繹注云本又作懌

左襄三十一年傳引作繹釋文云本亦作懌

懌

及楚辭九辯有美一人兮心不繹是亦作繹也

灋疑古作穰

玉篇灋而章切露盛兒

按詩野有蔓草零露灋

灋傳云灋灋盛貌蓼蕭零露灋灋傳云灋灋露著

貌据執競降福穰穰傳云穰穰衆也是穰義與灋

合

溥通作團亦作專

玉篇溥徒桓切引詩云零露溥兮

按詩野有蔓

草零露溥兮釋文云溥本亦作團文選謝惠連詩

團團滿葉露李注引毛詩零露團兮與釋文合又
按顏氏匡謬正俗云零露漙兮古本有水旁作專
字者亦有單作專字古字從省据此知古亦作專
可補釋文之遺

汎卽洄之別體或作萑

篆文
作萑

玉篇汎爲洄之重文胡端切

按詩溱渭釋文誤

仞汎爲汎賴玉篇可正其失蓋渙洄汎音同可通

若汎與渙音則遠矣又按文選歐陽堅石詩揮筆

涕汎蘭李注引漢書息夫躬絕命辭曰涕泣

今漢
書作

泣流兮萑蘭贊曰萑蘭涕泣闌干萑與汎同又注

陸士衡弔魏武帝文引作萑蓋萑萑聲相近古或

通也

據釋草萑芄藹則汎當是芄然無其證

瞿鏡濤云唐石經凡遇

萑字皆是萑字磨改

泯通作湏或作悞

釋詁泯盡也

一切音義卷八引字林泯然盡也

博雅泯滅也玉篇

泯彌忍彌賓二切滅也又泯泯亂也錢先生云漢

書敘傳湏湏紛紛卽呂刑泯泯焚焚也顧千里云

論衡寒溫篇前世用刑者蚩尤亡秦甚矣蚩尤之

民湏湏紛紛尤與呂刑文義合樹玉謂廣韻上平

二十三覓悞訓悞悞不明又亂也與泯義合詩柔

桑釋文云泯徐又音民則音亦合矣漢釋有泯

漚通作漚

玉篇漚平代乎介二切沆漚氣也 按史記索隱

本司馬相如傳滂漚沆漚

監本作漚文選上林賦作漚

注漚亦

作漚引司馬彪云沆漚徐流也据此知古通作漚

王逸注楚辭遠游篇云沆漚者北方夜半氣也蓋

本道家說未足据博雅因釋沆漚爲常氣似亦失

之

瀘通作盧

玉篇瀘力吳切水名

按水經注瀘水下云水黑

曰盧不流曰奴則凡黑水古通名盧矣夏方米

文

意云漢書地理志牂柯郡句町本注云又有盧唯

水其字本無水旁

瀟瀟之別體

玉篇作瀟思焦切水名廣韻下平三蕭瀟蘇彫切
水名類篇瀟或作瀟 按水經注湘水下云大舜
之陟方也二妃從征溺于湘江神遊洞庭之淵出
入瀟湘之浦瀟者水清深也據說文瀟訓深清正
與此合知瀟卽瀟而非水名也

瀟疑古作瀛

玉篇瀛與成切瀛海也 按史記孟荀列傳鄒衍云中國曰赤縣神州中國外如赤縣神州者九乃有大瀛海環其外天地之際也然則瀛者蓋取環繞之義据淮南要畧云倣真者窮逐終始之化羸圻有無之間高注羸繞帀也是與瀛義有合故疑古作羸

滁通作涂

玉篇滁直余切水名 按集韻涂陳如切音除水名與滁同引晉書宣帝紀王凌詐言吳人塞涂水

据魏志王凌傳嘉平三年春吳塞涂水則非詐也

涂水卽滁水又王伯厚

困學紀聞亦云滁州卽涂中

洛未詳

玉篇洛武盈切水名在新陽 按隋書地理志武

安郡洛水注云舊斥漳太平寰宇記河北道漳水

下引風土記云南易水本名漳水出三門山西自

肥鄉縣界流入趙地記云六國時此水名易水埤

蒼及水經云洛水之目不知誰改俗謂山之下地

名洛因經之故曰洛水

按水經注無此語埤蒼時更無此名蓋風土記誤引

据此疑俗以其地名名因加水爲洛古本無此名

也

潺疑古作孱爰疑洄之別體

楚辭九歌橫流涕兮潺爰王注潺爰流貌也
一切經音

義卷十三潺爰引又招魂川谷徑復流潺爰些王

字林云流兒也注其流急疾又絜淨也 按王注蓋潺訓急疾爰

訓絜淨故疑潺卽孱說文孱訓乍與急疾義合也

爰疑洄之別體者据左傳爰田說文作起田起从

亘聲是古讀爰同亘又詩溱與洧方渙渙兮釋文

云韓詩作洄洄則洄義更與爰合漢碑有潺爰

潺疑渟之別體或作漣

高誘注淮南說林訓云波者涌起遷者爲漣李善

注文選西京賦引蒼頡篇云濤大波

一切經音義卷二十三引

同一切經音義卷二十六引三蒼大波爲濤

華嚴經音

義引

按文選七發將以八月之望觀濤乎廣陵

之曲江云云則濤者實潮也又水經注漸水下引曹娥碑云娥父盱迎濤溺死其云迎者蓋亦潮耳說文淖从朝省朝从舟聲舟壽古通如書無逸講張字詩及爾雅並作俯故疑濤爲淖之別體或作燾者据公羊文十三年傳周公盛魯公燾何注燾者旨也釋文燾徒報反一本作濤蓋通假字漢碑有濤

淑通作叙

玉篇淑詞與切浦也重文作渙注云水名在洞庭

廣韻上聲八語淑水浦也按元和郡縣志云叙

浦縣本漢義寧縣

按漢書地理志武陵郡義陵本注云鄆梁山序水所出西入沅

此作義寧

未詳孰是引離騷云入叙浦而邇迺

今九章作入叙浦余儷個

今

卽此也据此知古通作叙玉篇重文渙疑渙之

省以說文渙但訓水名未敢引据

港通作巷

玉篇港古項切水派也廣韻上聲三講港音義同

去聲一送港訓港洞開通胡貢切

按水經注穀

水下引晉惠帝造石梁文云晉元康二年十一月二十日改治石巷水門据此知古通作巷文選長笛賦港洞坑谷李注港洞相通也据注亦當是巷蓋後人涉洞并加水旁

豬通作豬亦作都

玉篇豬音豬水所停也 按禹貢大野既豬釋文豬張魚反馬云水所停止深者曰豬是古通作豬也史記夏本紀作大野既都是亦作都

瀾卽瀾之俗字

玉篇廣韻竝無 按新附瀾訓大水故知卽瀾之

俗字說文灞訓滿五經文字云灞民爾反又寧爾
反見詩風今詩新臺作河水灞灞亦後人改矣
森疑藐之俗字

楚辭哀郢森南渡之焉如王注森瀼顧望無際極
也玉篇森彌沼切森漾大水廣韻上聲三十小森
大水亡沼切 按博雅尙無森北齊臨淮王像碑
云巨海入於毛穴無妨浩森此森之始見於石刻
者据王注顧望無際極故疑爲藐之俗字藐有遠
義也新附云或作渺然說文亦無渺

灞通作絜

玉篇水部無潔冰部有絜注云俗絜字廣韻入聲
十六屑潔注云潔清也經典通用絜古屑切 按
隸釋載漢碑通作絜唯祝睦後碑躬潔冰雪作潔
則漢時已有此字

挾通作挾

玉篇挾子協切徹也通也洽也 按周禮太宰正
月縣治象之灋于象魏挾日而歛之鄭注從甲至
甲謂之挾釋文挾子協反字又作挾同又荀子禮
論方皇周挾楊注挾讀爲挾帀也儒效篇盡善挾
洽之謂神注挾讀爲挾周洽也据此知古通作挾

漢碑已有泐集韻泐通作挾

湑疑古作盍

離騷寧湑死以流亡兮王注湑猶奄也玉篇湑口
合切水也奄也 按說文盍奄竝訓覆以湑訓奄
故疑古作盍

湑卽渚之別體

玉篇湑蘇困切噴水也又先絹切 按後漢書郭

憲傳建武七年從駕南郊憲在位忽面向東北含

酒三湑章懷太子注引埤蒼曰湑噴也

一切經音義卷二十

引三蒼訓同

又樊英傳嘗有暴風從西方起英謂學者

成都市火盛因含水西向漱

卽漱之俗字

之二說正相

類據說文溲𣶒竝訓吮簋或作饌故知溲卽溲之別體論語何足算也漢書列傳六十六作何足選也亦其證

涯通作厓

玉篇厓五佳切水邊也或作涯又水部涯訓水際按釋邱望厓洒而高岸郭注厓水邊釋文厓字又作涯詩葛藟在河之漘毛傳水厓曰漘釋文作水涯注云本亦作厓據說文頻訓水厓人所賓附是通作厓矣漢碑已有涯

霞通作瑕

詳前瑕下

霏通作菲

博雅釋訓霏霏雨也玉篇霏孚非切雨雪兒重文
作霏 按詩采薇雨雪霏霏毛傳霏霏甚也漢書
楊雄傳雲霏霏而來迎師古曰霏古霏字据文選
張平子思元賦雲菲菲兮繞余輪舊注引楚辭曰
雲菲菲而承字嚴夫子哀時命作
雲依裴而承字 据此知古通作
菲而霏亦非古文

霏疑淅之俗字

玉篇霽子葉所治二切霽霽小雨 按說文淅訓
雨下古接與輯通故疑霽爲淅之俗字

霽卽對之俗字

玉篇霽徒對切霽霽文選魯靈光殿賦雲覆霽霽
吳都賦宵露霽霽 按霽霽二字說文俱無据景
福殿賦絳蠻黠霽李注黠霽黑貌則霽有作黠者
又据後漢書馬融傳豐彤對蔚章懷太子注云竝
林木貌也對音徒對反則霽有作對者

霽通作藹

玉篇霽於蓋於曷二切雲狀 按文選陸士衡挽

歌傾雲結流藹李注引文字集畧曰藹雲雨狀也
藹與靄古字通又按離騷揚雲霓之晻藹文選高
唐賦隨波闇藹甘泉賦偵暗藹兮降清壇羽獵賦
登降闇藹竝作藹

鰈通作鰈

玉篇鰈他臘切比目魚重文作鰈臧在東云釋地
鰈釋文本或作鰈 按玉篇別無鰈知鰈卽鰈之
殘字說文鰈訓虛鰈漢書司馬相如傳禺禺魼魼
則魼當卽虛郭景純訓魼爲比目鰈爲魼魚誤分
爲二物

鯀卽玳之俗字

玉篇鯀父脂切鯀魚狀如鱗鱗鳥首魚尾音如磬

石出山海經江徵君謂段明府

玉藻

云鯀卽玳字

以廣韻

卽玳之重文

訓珠母與山海經文鯀之魚是

生珠玉合俗書因有魚名故變从魚旁也

鯀未詳

玉篇鯀與昭切魚身鳥翼常從西海飛來東海

按鯀見山海西山經及呂氏春秋孝行覽其說畧

同又見北齊石刻未審古作何字蓋山海經中名

物多怪誕或說文不盡收或其字爲後人增損也

又按文選洛神賦騰文魚以警乘李注文魚有翅能飛引楚辭日文魚兮失瀨則古或止名文魚

闔卽營之別體

文選西京賦通闔帶闔注薛綜云闔市營也闔中隔門也崔豹古今注曰市牆曰闔市門曰闔善曰蒼頡篇曰闔市門胡闔切孫觀察輯蒼頡篇云古闔闔字只爲營說文營市居是已營闔聲相近故自營爲厶韓非子則自環也環環卽晃晃亦其列樹玉謂管子君臣篇兼上下以環其私詩齊風子之還兮漢書地理志引作子之營兮竝足證闔之

同營但蒼頡篇訓市門似誤玉篇闔訓市垣與古
今注合

闔通作達

詩東方之日在我闔兮毛傳闔門內也釋文引韓

詩云門屏之間曰闔 按文選東京賦複廟重屋

八達九房李注引禮記曰複廟重檐達鄉

明堂位
複廟重

檐刮楹達鄉鄭注鄉隔屬謂
夾戶窻也每室八窻爲四達

謂天子廟飾也又引

大戴禮曰明堂九室而八牖然九室則九房也八

牖八達也

釋達與鄭異
据賦然也

据此知闔通作達玉篇闔

訓門內又云飛闔突出方木也漢碑已有闔

閼通作伉

玉篇閼恪浪切閼閼高門貌引詩云高門有閼本
亦作伉 按詩縣皐門有伉毛傳伉高貌釋文伉
本又作亢苦浪反高也韓詩作閼云盛貌据此則
玉篇所引本韓詩而皐作高則釋文不載

閼通作伐

玉篇閼扶月切在左曰閼在右曰閼徐氏曰義當
通用伐 按左成十三年傳卻至驟稱其伐閼杜
注云所踐歷也又漢書田千秋傳無伐閼功勞師
古曰伐積功也閼經歷也是通作伐竝無左右之

說據左襄十九年傳云夫銘天子令德諸侯言時
計功大夫稱伐則伐閱義當本此

闕或作窒又疑闕之譌文

易豐上六爻辭闕其無人釋文闕徐苦鵠反馬鄭

云無人貌字林云靜也姚作閱

當作閱

孟作窒竝通

錢先生云許君不收此字蓋依孟氏易作窒也窒
訓爲空猶亂訓治徂訓存樹玉謂閱形與闕相近
故疑爲闕之譌文徐氏曰義當用昊則臆說矣

聲卽瞽之俗字

玉篇聲五苞魚幽二切引廣雅云不入人語也卑

蒼云不聽也 按詩板我卽爾謀聽我囀囀毛傳
囀囀猶警警也鄭箋我就女而謀欲忠告以善道
女反聽我言警然不肯受据此則警義正同聲故
以爲卽警之俗字

擷卽瓠之俗字

玉篇擷胡化切寬也又穴部窾胡霸切橫木

當是大

不入也又寬也或作瓠 按左昭二十一年傳小
者不窾大者不擷杜注擷橫大不入也釋文及五
經文字竝作瓠据玉篇窾與杜注合知左傳本作
瓠其作窾者蓋涉窾而并加穴

言二第...
攬卽鑱之俗字

玉篇攬仕銜切攬摘貫刺之也一切經音義卷十
一鑱剡注云說文鑱銳也論文作攬非體 按博
雅作攬銳正與說文鑱訓合蓋鑱或作攬俗又譌
从手耳金木二部往往通如椶或作鋟枱或作鉛
樽或作鑄是也若手與金則絕不可通

搢通作晉縉或作薦

玉篇搢子信切插也博雅訓同 按周禮典瑞王
晉大圭鄭司農云晉讀爲搢紳之搢是古只作晉
隸釋載郭輔碑繁陽令楊君碑劉寬碑唐扶頌及

後出曹全碑竝作縉史記五帝本紀薦紳先生難言之注徐廣曰薦紳卽縉紳古字通假借

掠通作略或作櫟又疑掠之別體

玉篇掠力尙力酌二切掠劫財物徐氏曰唐韻或作櫟按鄭康成注周禮司刑引書傳曰決關梁踰城郭而略盜者其刑臙降寇賊劫略奪攘擄虜者其刑死又方言搜畧求也就室曰搜於道曰畧畧強取也据此知古通作略又按掠之見於經者禮記月令仲春毋肆掠呂氏春秋作無肆掠淮南時則訓作毋笞掠鄭注云掠謂捶治人故徐氏舉唐韻或作櫟然作略

亦通玉篇撓訓略也又疑倮之別體者博雅倮訓
强玉篇掠有力尙切一音釋名掠狼也則倮掠音
義竝相近

招或作陷又疑插之俗字

玉篇招口洽切招抓也爪按曰招

一切經音義卷十引通俗文爪

案曰招韻集作劖入也

廣韻入聲三十一洽招苦洽切爪招

也按文選長笛賦招膺擗標李注引埤蒼招爪
也又引國語無招膺韋昭曰招叩也

見魯語

据劉向

列女母儀傳作毋陷膺是古或作陷也又疑插之
俗字者說文插訓刺肉玉篇廣韻插竝訓刺入又

廣韻招插同在洽韻是音義形竝近矣

捻卽斂之別體

玉篇捻乃協切指捻支部斂乃頰切閉也或作捻
按一切經音義卷六捻箭注云又作斂同乃協
切謂以手指捻持集韻捻按也或从攴作斂

拗疑天橋之俗字

玉篇拗烏狡切拗折也廣韻上聲三十巧拗訓手
拉後漢書班固傳蹂躪其十二三乃拗怒而少息
注章懷太子云拗猶抑也音於六反

李善注文選
西都賦同

按說文天訓屈玉篇天訓折則天音義竝同拗

故疑爲天之俗字又說文弗訓橋則橋義亦近拗
撼卽械之俗字

玉篇撼子育所六二切到也

本方言

按說文隕落

謂之械博雅械訓至則械義與撼合韻會械引潘
岳賦庭樹械以灑落今文選秋興賦械作撼則後
人改也集韻械枝空貌當本文選注則撼卽械之
俗字

捌卽別之俗字或作拔

玉篇捌補別切物不捌又音八廣韻入聲十四黠
杈博拔切無齒把也重文作捌十五鎋捌引方言

云無齒杷百鎔切

按方言並無樹字而杷下但有郭注無齒爲杷此誤以郭注當

方言而新附承之

按淮南說林訓解梓者不在捌格在

於披伉

當是伉

又主術訓云桀之力別脩伸鉤文義

與前相類則別卽捌矣別與久通久从重入故俗

又作杷也又据急就篇櫟穫秉把插捌杷王伯厚

補注云碑本插捌作重拔

拔當是板說文板訓然

則訓無齒杷者當作板

攤疑攤之別體或作灘

玉篇攤奴旦切按也

博雅訓同

又他丹切開也廣韻上

平二十五寒攤開也亦緩也他干切去聲二十八

翰攤按攤也奴案切又他丹切 按周禮占夢季
冬遂令始難歐疫鄭注難謂執兵以有難卻也故
書難或爲儺杜子春儺讀爲難問之難据儺訓難
卻與抑按義有合故疑爲儺之別體或作灘者据
釋天太歲在申曰涖灘釋文云灘本或作攤

拋卽抱之俗字亦作標

博雅作拋擊也

一切經音義引
字林拋擊也

玉篇拋普交切擲

也徐氏曰案左氏傳通用標引詩標有梅標落也
義亦同錢先生云史記三代世表抱之山中抱音
普茅反則拋蓋卽抱之譌从尢从力于義無取樹

玉謂公羊莊二年傳曹子標劍而去之孟子標使者出諸大門之外竝與拋義合

擣卽擣擣之俗字

玉篇擣丑魚切擣蒲也廣韻上平十一模蒲引博物志曰老子入胡作擣蒲 按藝文類序有馬融擣蒲賦其字从木又韻會擣注云說文木也本作擣今文作擣引通志擣似椿北人呼山椿江東呼虎目葉脫處有痕如擣蒲子又如眼目故名据此知擣卽擣擣之俗字御覽七百二十六引博物志曰老子入西戎造擣蒲擣蒲五木也與廣韻引異

打卽杙之俗字

博雅打訓擊又訓梮玉篇無打字廣韻上聲四十一迴打都挺切擊也又都冷切按說文杙訓橦次在桮下桮訓擊則打義亦相類說文次序率如此則打卽杙之俗字矣玉篇尙不收打則博雅當是从木之字故又訓梮也

說文新附攷卷第六

吳縣鈕樹玉

嬙通作牆又疑妣之別體

玉篇嬙在梁切嬪嬙婦官名又音色廣韻下平十
陽嬙嬪嬙婦人官名在良切入聲二十四職嬙女
字所力切 按左昭三年傳以備嬪嬙杜注嬪嬙
婦官釋文作牆注云本又作嬙在良反据唐開成
石經作牆知古通作牆又疑妣之別體者說文妣
訓婦官正與杜注合玉篇廣韻嬙既竝有入聲則
妣音與嬙亦近矣

妣疑古作旦

玉篇妲多刺切妲改紂妃晉語殷辛伐有蘇有蘇氏以妲己女焉韋注蘇己姓之國妲己其女也史記索隱外戚世家注云有蘇國也己姓也妲字也

按韋宏嗣及小司馬竝以己爲姓則玉篇作妲改似誤說文改女字也疑古作旦者如末喜及麗姬之麗

竝後人加女旁

嬌通作驕亦作姣

玉篇嬌居搖切嬌姿也廣韻下平三蕭嬌女字亦態舉喬切按文選西京賦鑒戒唐詩他人是嬀注薛綜云言今日之不極意恣嬌亦如此也据此

知嬌卽驕詩谷風不我能慙箋云慙驕也言君子
不能以恩驕樂我亦作驕之證又說文姣訓好孟
子不知子都之姣者無目者也一切經音義卷九
姣注云古文嬌同古飽反是亦作姣矣

嬋娟通作揮援亦作嬋媛

玉篇嬋市然切嬋媛也娟於緣切嬋娟也 按離
騷女嬃之嬋娟兮王注嬋娟猶牽引也洪補注云
嬋娟一作揮援据博雅揮援牽引也廣韻下平二
仙揮注云揮援牽引正與王注及洪注合又集韻
嬋通作嬋說文嬃引楚詞女嬃之嬋媛嬋疑後人

改而媛則與玉篇合

嫠通作釐

玉篇嫠力之切寡婦也 按毛詩巷伯傳及韓詩

外傳竝作釐婦左襄二十五年傳崔子曰嫠也何

害釋文云嫠本又作釐昭十九年傳已爲嫠婦釋

文作釐婦注云依字作嫠李善注文選七命引此

文亦作釐

姤通作遘亦作后

玉篇姤古侯切遇也博雅訓同 按易姤卦釋文

云姤古豆反薛云古文作遘鄭同序卦及彖皆云

遇也今開成石經止雜卦作遘遇也餘皆作姤矣
又据章懷太子注後漢書魯恭傳云姤卦本多作
后古字通可補釋文之遺

琵琶通作批把又作鞞𪔐

玉篇琵琶房脂切引風俗通云琵琶近代樂家所制
不知所造又引釋名云推手前曰琵引手卻曰琶

所以呼爲琵琶

今本釋名作批把
愚後人因徐說改

徐氏曰義當作

枇杷 按風俗通云批把謹按此近世樂家所作

不知誰也以手批把因以爲名据此當通作批

批

批把之省類篇云
琵琶或作批把

把又作鞞𪔐者据郭忠恕佩觿云

說文新附 卷第六 三
搜神記謂琵琶爲鞞婆娑說文作嫫也

瓷疑坻之俗字

玉篇瓷在思切瓷器也亦作𡗗廣韻上平六脂瓷
瓦器疾資切 按禮記檀弓夏后桀周鄭注火孰
曰桀燒土冶以周於棺也釋文作卽注云本又作
桀同子栗反又音稷何云冶土爲甗四周於冢据
此則桀義與瓷合疑瓷卽本此坻爲桀之重文釋
器瓦豆謂之登是古豆用瓦後人因涉瓦器改土
爲瓦也玉篇坻有才資才卽二切廣韻上平六脂
收坻則音亦與瓷合唯李善注文選笙賦引字林

瓷訓白瓶長頸則不可解

甌通作鴟

玉篇甌丑希切酒器廣韻上平六脂甌酒器大者
一石小者五斗古之借書盛酒瓶丑飢切韻會甌
通作鴟引黃太史詩時送一鴟開鎖眉 按漢書
陳遵傳載楊雄酒箴曰鴟夷滑稽殷如大壺盡日
盛酒人復借酤師古曰鴟夷韋囊以盛酒今鴟夷
勝也据甌訓酒器當本此然非瓦器不當从瓦

細或作桑

急就篇鬱金半見細白約顏注細淺黃也又釋名

緗桑也如桑葉初生之色也玉篇緗思良切桑初
生色 按鄭注禮記月令云鞠衣黃桑之服則古
或作桑矣

緋疑古作非

玉篇緋甫韋切絳練也廣韻上平八微緋絳色甫
微切 按韻會緋注云古作非篆文云析朱爲非
又楊升菴六書索隱五微下非注云非與緋同引
李登云析朱爲非二書雖未詳所本而說文翳訓
赤羽雀則非有赤義又片爲判木谷从水半見出
於口則析朱爲非亦其例矣

緇卽纓之別體

博雅緇青也

論語鄉黨釋文引字林緇帛青色子勾反

玉篇緇仄尤切

青赤色

按考工記鍾氏染羽以朱湛丹秫三月

而熾之淳而漬之三入爲纁五入爲緇七入爲緇

鄭注染纁者三入而成再染以黑則爲緇緇今禮

俗文作爵言如爵頭色也又復再染以黑乃成緇

矣鄭司農說以論語曰君子不以紺緇飾

按何晏集解引

孔曰一入曰緇一當是五蓋一染謂之纁非緇也

據說文纁訓帛雀頭色

正與緇合是緇卽纓之別體矣

緇疑古作縹

玉篇繖思但切繖蓋也廣韻上聲二十三旱繖注
云繖絲綾今作繖蓋字蘓旱切去聲二十八翰繖
蓋也蘇肝切又蘇旱切事物紀原引通俗文曰張
帛避雨謂之繖御覽七百二十六
典注十一引同按釋天纁帛繖
郭注繖衆旒所著檀弓布幕衛也繖幕魯也鄭注
繖繖也据此則繖音義竝近繖後人繖蓋或本此
故方氏通雅云繖本因古之繖

練疑疏之俗字

玉篇練所於切紡纈絲廣韻上平九魚練葛屬集
韻練綌屬引後漢禰衡著練巾按鄭注喪服傳

云疏者麤也釋名總細如總也疏疏如總疑誤與練

音義合故疑爲疏之俗字蓋俗疏作踈後漢書戴良傳良有

五女並賢每有求姻輒便許嫁踈裳布被竹筥木屐以遺之因又改从糸也

緯卽緯之別體又作載

博雅緯事也玉篇緯子代切事也代也廣韻去聲

十九代緯注云事也出字林作代切按說文繒

籀文作緯注云从宰省楊雄以爲漢律祠宗廟丹

書告則緯卽緯之不省矣如木部梓梓實一字也

又按漢書楊雄傳上天之緯師古曰緯事也讀與

載同

繾繾通作遣卷又繾卽綮之別體

玉篇繾去善切繾繾不離散也

本左昭二十五年傳杜注繾口

阮切

按詩民勞以謹繾繾毛傳繾繾反覆也釋

文繾音遣繾起阮反字或作卷左昭二十五年繾
繾從公杜注繾繾不離散也據說文本有綮訓攘
臂繩則繾當卽綮疑後人涉綮并改遣爲繾也遣
有反覆義

蚤疑亶之俗字

玉篇但有蚤以然切訓蚰蚤

本方言及釋蟲郭注

蓋延之俗

字

漢書司馬相如傳宛蚤楊雄傳作宛延

廣韻上聲二十三早蚤南

方夷徒旱切 按隋書地理志長沙郡雜有夷蜚
名曰莫徭据吳志黃龍二年遣將軍衛溫諸葛直
將甲士萬人浮海求夷洲及亶洲云云竊疑蜚名
或本此故隋志稱夷蜚也

蟪通作惠

博雅蟪蛄蛸蛄也玉篇蟪胡桂切蟪蛄 按莊子
逍遙遊惠蛄不知春秋釋文惠本亦作蟪引司馬
云惠蛄寒蟬也一名蜺蛄春生夏死夏生秋死
蟪通作蔑

玉篇蟪亡結切蟪蛄也

本釋

廣韻上聲一董蛄引

列子曰蠛蠓生朽壤之上因雨而生觀陽而死莊

子謂之醯雞 按漢書楊雄傳浮蔑蠓而掀天注

晉灼曰蔑蠓蚊也宋本則古蔑字無虫旁

虺蟭疑蟪螟之俗字

玉篇虺竹百切虺蛸蟪蟪也蟪莫梗切蟲名 按

方言蟪郭注卽蟪也莫鰓反宋魏之間謂之蚺南楚之外謂

蟪郭注蟪音近蟪亦呼吒或謂之蟪或謂之蟪博雅蟪蟪

蟪也据此則虺音義竝近蟪故疑爲蟪之俗字郭

音蟪與玉篇蟪同二字說文並無据蟪訓蝗則蟪

蟪竝當是螟之俗字博雅蟪蟪訓蝦蟆則蟪又當

是𧈧

蟋通作悉

玉篇蟋思栗切蟋蟀 按說文𧈧訓悉𧈧知悉古

無虫旁然隸釋載石經魯詩殘碑已作蟋蟀

螳通作堂

玉篇螳徒郎切螳螂有斧蟲一名石螳 按說文

螳訓堂螳蛸訓蠱蛸堂螳子是古通作堂

颶未詳

博雅颶訓疾又訓風玉篇颶楚飢切風也 按後

漢書張衡傳靡颶風章懷太子云颶疾風也音楚

疑反文選吳郡賦翼颺風之颺颺注劉淵林云颺疾風引離騷曰溢颺風兮上征李善注謝元暉詩引楚辭曰溢颺風而上升注江文通詩引作溢颺風余上征今本離騷作溢埃風余上征其互異如此又引班固曰颺疾也据說文颺訓疾風形又近颺但音絕不同未審孰是也

颺通作騷

博雅颺颺風也玉篇颺所流切颺颺風聲重文作颺按楚辭劉向九歎風騷屑以搖木兮王注騷屑風聲貌後漢書張衡傳寒風淒而永至今拂穹岫之騷騷据此知古通作騷

颰未詳

玉篇無颰廣韻上聲颰訓風吹落水未詳其所本
疑扇之俗字而未有證

鼈或作龜

顧千里云列子使巨鼈十五又一釣而連六鼈殷
敬順釋文引元中記云卽巨龜也按藝文類聚九
十六卷龜引列子此文鼈俱作龜知列子本是龜
字其作鼈者乃後人改也蓋使巨龜名鼈列子當
但云使鼈不當云使巨鼈矣六龜句承上而省便
屬文也元中記亦有云巨龜疑本列子有云巨鼈

疑本列仙傳故明之曰卽巨龜也若以巨龜釋巨
鼈安用云卽哉徐氏附鼈字于說文訓海大鼈尤
杜撰据列子曰灼其骨以數焉其非鼈明矣後來
字書言大鼈者皆承徐誤玉篇鼈引傳曰有神靈
之鼈背負蓬萊之山在海中傳者列仙傳也然則
鼈字出于此樹玉謂龜與敖聲本相近周頌絲衣
敖與休爲
韻曰虎通云龜之言久
也說文龜舊也是其證故鼈或作龜据楚辭天問
鼈戴山抃後漢書張衡傳鼈雖抃而不傾則鼈字
當出于天問蓋義涉怪誕亦如山海經之鯨許君
或不盡采矣高誘注淮南子鼈亦訓大龜唯字林

訓海中大龜

見一切經音義卷十九引

徐氏因改爲海中大鼈

也

塗通作涂

玉篇塗達乎切道也路也經也

按周禮量人量

天下之涂數考工記經涂九軌竝作涂隸釋載漢

碑通作涂唯三老袁良碑作塗

填疑鎔之別體

玉篇填莫歷切引左氏傳圻人填館杜預曰填塗

也

見襄三十一年傳

按釋宮鎔謂之朽郭注云泥鎔釋

文鎔本或作漫又作漫同亡旦武安二反引說文

云鐵朽也。据此則塤義與鏐同。故疑爲鏐之別體。
鄭注大學命讀爲慢。則塤鏐聲亦相近。

塤疑延之俗字亦作賁

玉篇塤以旃切。地之八際也。引司馬相如封禪書

云上暢九垓下泝

漢書作坵

八塤又隰也。地也。

按淮

南子地形訓作八殯

御覽三十六引殯作寅

高注殯猶遠也。

据高注疑塤本是延。說文延訓長行。與遠義合。管

子地員篇有墳延之名。亦與隰地義合。集韻塤和

土也。通作塤。是本老子塤埴字。俗本有作塤者。與

上文義別。

場通作易

玉篇場以尺切疆場也亦道之別名 按詩載芟
徂隰徂畛毛傳畛場也釋文作易注云本又作場
音亦隸釋載楊統碑疆易不爭魏橫海將軍呂君
碑慎守疆易竝作易漢書食貨志瓜瓠果蓏殖於
疆易注張晏曰至此易主故曰易据此知疆易之
義當本周禮大司徒制地一易再易不易矣

境通作竟

玉篇境羈影切界也徐氏曰經典通用竟 按隸
釋載張平子碑已有境字据漢書昭帝紀竟寧元

注應劭曰虜韓邪單于願保塞邊竟得以寧故以冠元則从土非矣

塾卽墀之別體

玉篇塾殊鞠切門側之堂也

本釋宮也後漢書齊武王續傳注蕭該引

字林塾訓門側堂

引周書曰先輅在左塾之前次輅在右

塾之前禮曰古之教者黨有庠家有塾錢先生云後漢書齊武王傳王莽使長安中署及天下鄉亭皆畫伯升像于塾旦起射之章懷太子注云東觀記續漢書竝作墀且引說文云射臬也又引廣雅云墀的也樹玉謂孰墀竝从臬聲則古音墀亦近

軼

墾通作猥

博雅墾耕也玉篇作墾苦很切耕也治也引國語

云土不備墾墾發也又耕用力也

釋訓釋文墾引蒼頡云耕也廣

雅云治也

按說文支部鼓訓有所治也讀若猥然則

古通作猥而猥又鼓之通假矣考工記凡陶旋之

事髻墾辟暴不入市鄭注墾頓傷也釋文墾作猥

据葉鈔本猥卽猥之俗體

塘通作唐

玉篇塘徒郎切隄塘也

按說文隄唐也

据宋本周

語陂唐汚庠以鍾其美宋補音云唐如字俗本作
塘又漢書楊雄傳醴泉流其唐踐蘭唐並作唐

坳疑黝之別體

玉篇坳烏交切不平也引莊子云覆杯水於坳堂
之上按莊子逍遙遊釋文云坳於交反又烏了
反李又伊九反崔云堂道謂之坳司馬云塗地令
平支遁云謂有坳垤形也據釋宮地謂之黝博雅
黝訓塗則黝義與坳合鄭康成注喪大記云黝堊
或爲要期知古讀黝當近要是音亦與坳合故疑
爲黝之別體釋宮地謂之黝義當是塗地令平

塹通作塹

玉篇塹於蓋切塵也 按文選西都賦軼埃塹之
混濁李注引許君淮南子注曰塹埃也塹與塹同
於害切

墜通作隊又作隊

玉篇墜直類切落也徐氏曰古通用隊 按說文
隊訓從高隊荀子王制篇職而不通則職之所不
及者必隊楊注云隊與墜同班馬字類隊引漢書
枚乘傳隊入深淵又引詩爲國之基隊矣見六据
此知古通作隊徐氏曰通用隊者据漢書天文志

枉矢碓至地則石是又作碓隸釋載漢碑已有墜而陳球碑不隊前軌尙不加土

塔疑剝之俗字或作𡵓

玉篇塔他盍切字書塔物聲

下引說文云云乃後人增

廣韻入

聲二十八盍塔浮圖吐盍切一切經音義卷五佛

塔注云他盍切或云塔婆或作偷婆此云方墳亦

言廟一義也經文从革作𡵓八市切橐也亦防捍

也𡵓非此義卷六寶塔注云案塔字諸書所無唯

葛洪字苑云塔佛堂也音他合切按北魏敬史

君碑云建七層之寶剎然則寶塔卽寶剎矣剎當

爲刺之俗字故疑塔卽刺又東魏天平三年造須彌塔一區此塔字始見於石刻者字書旣無其字則作鞞者未可非古鞞與磬通漢書司馬相如傳經鎗閭鞞是借鞞爲字書塔訓塔物聲亦與鞞義合

坊卽防之別體或作方

玉篇坊扶方切障也秦漢九二坊又甫良切巷也

亦州名

一切經義卷一引字林李注文選景福殿賦引聲類並云坊別屋也

徐氏曰

古通用墜

按廣韻下平十陽防重文作坊注云

見禮

蓋指坊記

又音方据禮記王制齊八政以防淫釋

文云防本又作坊音同知坊卽防之別體土官二

部多通也墮雖爲防之或體然經典中無作墮者
故徐說未敢信或作方者文選景福殿賦屯坊列
署李注云方與坊古字通是賦中本是方

勛或作句又疑勛之別體

玉篇勛渠俱切勛勞病也詩鴻鴈勛勞于野毛傳

勛勞病苦也釋文勛引韓詩云數也

博雅勛訓數蓋本韓詩

毛云疾苦也

據此知作病非

按鄭康成注禮記明堂位

引世本無句作磬釋文句其俱反字又作勛据此
知勛有作句者說文句訓曲與勞苦義亦合漢碑
已有勛疑涉勞并加力旁又疑勛之別體者據說

文勳訓務與勞相次廣韻去聲九御勳訓勤務也
又懼也疾也是與劬義合

勢通作執

玉篇勢舒曳切形勢也徐氏曰經典通用執按
禮記禮運在執者去鄭注執執位也釋文執音世
本亦作勢漢書高帝紀地執便利藝文志有形執
十一家又班馬字類執引史記六國表刑執利也
漢書蕭何傳不賢毋爲執家所奪與勢同隸釋載
漢碑有勢而老子銘作祿執弗營尙無力

勘疑古作戡亦作刊

玉篇勘苦紺切覆定也廣韻去聲五十三勘校也

按書康王之誥勘定厥功

釋文同

後人勘字或本

此古書用竹簡故校勘字作刊博雅刊訓定玉篇
刊削也定也除也義並與勘合經典中無勘字

辦卽辦之俗體

玉篇無辦廣韻去聲三十一禰辦

卽辦之別體玉篇收刀部具

也引周禮日以辨民器蒲莧切又步免切重文作

辦注云俗

鐸通作瞿

玉篇鐸局虞切軍器也

按書顧命一人冕執殳

立于東垂一人冕執瞿立于西垂孔傳殘瞿皆戟
屬正義引鄭注云蓋今三鋒矛据此知瞿卽鐸矣
銘通作名

玉篇銘莫經切引周禮曰凡有功者銘於太常

按周禮小祝設熬置銘鄭注今書或作名鄭司農

云銘死者名於旌今謂之柩引士喪禮爲銘

釋文作名

銘各以其物又鄭康成注儀禮既夕云今文銘皆

作名据此則銘通作名其加金旁者蓋涉題勒鐘

鼎也

李注文選東京賦引字林曰銘題勒也

漢碑有銘

鎖通作瑣

玉篇鎖思果切鐵鎖也 按漢書王莽傳云民犯鑄錢伍人相坐沒入爲官奴婢其男子檻車兒女子步以鐵瑱琅當其頸傳詣鍾官云云知古通作瑱

鈿疑田之俗字

玉篇鈿徒練切金花也又音田廣韻下平一先鈿金花徒年切又音甸去聲三十二霰鈿寶鈿以寶飾器堂練切又音田 按文選陸韓卿詩雖無田田葉李注引古樂府蓮葉何田田疑俗鈿字本此淮南齊俗訓含珠鱗施注高誘云鱗施玉田也似

與鈿義亦近

釧疑輶之俗字

玉篇釧充絹切釵釧也廣韻去聲三十三線釧鑲
釧引續漢書曰孫程十九人立順帝各賜金釧指
鑲尺絹切太平御覽七百十八卷及高氏事物紀
原引通俗文曰環臂謂之釧按古約臂亦名環
文選曹子建詩皓腕約金環李注環釧也玉臺新詠繁
欽詩綰臂雙金環是也此疑輶之俗字者集韻釧
訓車釧說文輶訓車約輶是釧卽輶矣

釵卽义之俗字

玉篇釵楚街切婦女歧筭也徐氏曰本只作义此
字後人所加顧千里云釋名本有义杖也一條今
本俱譌爲又杖也而連于上文按藝文類序引釋
名之也則因枝譌
杖耳作枝義亦通樹玉謂魚部鰓注云大如义股
亦作义之一證

釵

當从辰

通作劈亦作擘

方言鉞規裁也梁益之間裁木器曰鉞裂帛爲衣
曰規玉篇鉞普的普賜二切裁名也 按一切經
音義卷十四劈注云古文鉞版二形同音匹狄反
破也關中行此音說文音隱披厄反江南通行此

音也

按說文音隱披厄反者當是劈下之音

据此知鉞通作劈又按

說文擘訓搗

疑搗之正文

搗訓裂文選西京賦擘肌分

理李注引鄭周禮注曰擘破裂也

見考工記髹墜薛暴不入市句

下据李見本則薛本是擘

則擘義正合鉞

漢書藝文志警者爲之則苟鉤鉞析亂師

古曰鉞破也

疑古或借作辰後人加金旁耳

輶通作棧

玉篇輶仕儻切載輶車重文作輶左成二年傳丑

父寢于輶中杜注輶士車釋文輶引字林仕諫反

云臥車也

按周禮巾車士乘棧車鄭注棧車不

革輓而漆之引詩小雅有棧之車又考工記棧車

欲弇鄭注士乘棧車据此知古通作棧說文竹木之車曰棧

麟通作鄰亦作隣

博雅釋言麟輶也玉篇麟力陳切衆車 按詩有車鄰鄰毛傳鄰鄰衆車聲也釋文鄰亦作麟又五經文字麟注云詩本亦作鄰是古通作鄰也又按說文隣訓輶與博雅麟義合集韻云隣或作麟

轍通作徹

博雅轍訓迹玉篇轍除列切車行迹徐氏曰本通用徹後人所加 按說文軌訓車徹老子善行無

徹跡釋文徹梁云應車邊今作不邊者古字少也
𠂔疑古作營

釋地東陵𠂔釋文𠂔音信郭尸慎反字林所人反
又所慎反 按莊子駢拇篇盜跖死利東陵之上
釋文東陵李云謂泰山一云陵名今東平陵屬濟
南郡据此疑𠂔當是營漢書地理志北海郡有營
陵本注云或曰營邱應劭曰師尙父封於營邱陵
亦邱也臣瓚曰營邱卽臨淄也然則東陵𠂔之名
當本營陵後人或因陵名从自作𠂔也字林𠂔音
所人反亦與營合

讀文新詁
卷第六
阡通作干

玉篇阡青田切阡陌也道也南北曰阡東西曰陌
或作𡿨𡿨 按阡陌說文俱無据管子四時篇修
封疆正干伯房注云干伯卽阡陌也漢書食貨志
商君開𡿨伯師古曰𡿨伯田間之道也南北曰干
東西曰伯据注中干知正文亦當是干後人涉伯
并加人旁也

酪疑酢之別體

博雅酪醖醑漿也玉篇酪力各切漿也乳汁作

按禮記禮運以爲醴酪雜記食鹽酪鄭並訓酪爲

酢戴據說文漿訓酢戴醖竝訓酢漿疑許君以酢當酪故不收酪字漢書百官公卿表桐馬注應劭曰主乳馬取其汁桐治之味酢可飲因以名官也是酢義正同酪晉語與人誦詐與賂爲韻則酢音亦同酪矣

酺卽餽之俗字

玉篇酺戶吾切醍酺也 按一切經音義卷八餺酺注引通俗文酪酥謂之餺酺卷二十一及卷二十四酺注云經史所無未詳何出近世梁處士阮孝緒作文字集畧有醍酺二字此書甚淺俗音體竝

無所據也。据此知翻卽餽之俗字。

酩酊疑冥顛之俗字。

玉篇酩酊上莫迴切。下多領切。醉甚也。按晉書

山簡傳酩酊無所知。舊本音義及世說新語並作茗芋。俗又改爲酩酊耳。据莊子則陽篇顛冥乎富貴之地。釋文引司馬云顛冥猶迷惑也。與茗芋義有合。故疑茗芋卽冥顛。古音顛近丁。說文有芋無茗。

醒通作星。

玉篇醒思廷思領二切。醉除也。

一切經音義卷二引字林訓同。徐

氏曰按醒字注云一曰醉而覺也

詩節南山正義
醒引說文病酒

也醉
而覺

則古醒亦音醒也

按經史絕無以醒當醒

者玉篇醒注作一曰醉未覺也恐本說文据韓昌
黎納涼聯句煩懷却星星考異星星或作醒方云
劉夢得一夜星星騎馬回唐人星醒通用

醒通作緹

博雅釋器醒酒也玉篇醒他禮切酒紅色又音提

重文作罍

卽說
文罍

按周禮酒正四曰緹齊鄭注云

緹者成而紅赤如今下酒矣釋名緹齊色赤如緹
也据此知古通作緹

說文新附攷卷第六